

nein, & uariarū linguarum cognitionē, simul totius **V**Vittenbergen sis Academiæ, publico cum Electoris Saxoniae, tum aliorū doctorum suffragio decreta & commissa est, & summa & caput. Hunc autem, quia reliquam multitudinem in Astrorum scientia facile superare vide tur, non contemnendo stipendio prælegendis Mathematicis disciplinis præfecerunt. Edocti enim uiri optimi iam longa experientia rerum, uident quōd quibus non est incognitus motus ille communis cœli, eos compendio peruenire posse in cognitionem Theoricæ planitarum, quos quidem à Sole & Luna maximè uires & operationes suas accipere fatemur. Porrò has tabulas, quæ utiles utiq; sunt Scholis publicè, & iucundæ priuatim res cœlestes tractantibus, sub uestro P. C. potissimum nomine publicandas putauī, tum quōd ad huius uestræ urbis meridionalem sunt confectæ, tum quōd sicut in Germania regiones multæ, suas maximè merces ex hisce uestræ urbis pomerijs, in sua inferunt mœnia, ita ex hoc uestræ urbis meridionali circulo, suū quæq; elicere potest. Valete, unā cum florentissima Repub. uestra, diu fœlices. Ex urbe uestra Norica s. Kalend. Septembris, Anno salutiferi partus **M. D. XXXVI.**

g ij Viro